

სახალხო ბაზუქი

საქართველო
საბჭოთაო
საქართველო

სურათებიანი ჟამათება

გაზეთის № 517

ღამათების № 91

კვირა, 5 თებერვალი 1912 წ.



ა უ ზ ი ს ვ ი ნ
ქანდაკება როდენისა.



ს. აბაშელი.

მ ზ ე

1. დ ი ლ ა

ფრთა-ნაცქვეტი დილის სიო ზღვის მუქ ნაპირს გაეყარა,
მთის ქეჩოზე მისვენებულ ნისლის მკრთალ გუნდს მიეპარა,
ფრთა შემოპკრა, გააღვიძა, უცხო ჰიმი შეჰსისინა
და ვით გედთა მწყობრი რაზმი წამოშალა, ააფრინა.

ცის კიდური ზღვის ტალღებში ვარდის წყლითა გაიღვსა.
ზღვა ათრთოლდა. მთვარე ჩაჰქრა. ღამემ ტყეში დაიკვნესა.
დილის ვარსკვლავს სხივი მოსწყდა,—ის ნიავეს მიწას

სტუორცნა;

მიწამ ზეცას გაუღიძა,—დაუბრუნა ვარსკვლავთ კოცნა.
ცივ სალ-კლდეზე დანადენი მთებში წყარო აწყრიალდა,
მას ხევ-ხუფმა ბანი მოსცა, ნაქვ-ტირიფი აშრიალდა;
ცის მნათობთა მქრალი შუქი ცისკრის ამბორს ჩაექსოვა,
ირმის ნახტომს გაემწყრივა თეთრად პენტილ ღრუბელთ
გროვა.

შავ-ფრთებიან ღამის თავადს განთიადი გაეპარა,
ცის ლაქვარდზე გაიშალა, მის ტალღებზე დაემყარა.
ჰა აპოლლომ ცეცხლის ეტლით ცა გაჰკვეთა,
გაარღვია,
და ქვეყნას მკერდ-მოქარგულს ოქროს წვიმა
დააფრქვია.

2. ვ უ ა - დ ე მ.

ცეცხლის მახვილმა გააპო. ეთერის ლურჯი გუმბათი,
ცის თაალზე ალის კვარცხლბეკზე მზე დაესვენა სხივ-მნათი.
შეჩერდა დენა ჟამისა, მისწყდა ხმა ფოთოლთ რხევისა,
მიწამ სცნო ზეცის სიუხვე, სრულ-ყოფა სხივთა-ფრქვევისა.
მზის ნაპერწკლებით დაქრილნი ჩრდილნი უქრავის ხისანი,
ღრუბლის ნაწყვეტთა სახენი და ლანდნი მალალ მთისანი,
უცნაურ შიშით პურობილნი, მზის სახეს ემალებიან,
მაგრამ ალთ-შხეფით მსხვერუელნი, სხივებ-გაყრილნი ჰქრებიან.
თეთრად აინთო მთის თხემი, თოვლის გვირგვინით შემკული,
ვით სიყვარულის სამსხვერპლო, წმინდა კოცონით გზნებული,
და მიანათა მთა-გრეხილს ცით მომსკდარ სხივთ-ჩანჩქერადა,
მწვანედ ფოთილილი მიდამო წარმტაცად ააფერადა.

ზღვამ ვერ გაუძლო ცხელ ისრებს, ზეცის მწველ თვალის
ცქერასა,
დაჰკარგა სულის სიმშვიდე, უმატა გულის ძგერასა.

ადრტვინდა სივრცე უსაზღვრო, დაიპტვრა სარკე ბროლისა,
ზვირთთ აედევნა ნელი ხმა ზღვაურ ნიავის ქროლისა.

3. ს ა ლ ა მ ო .

მწუხრის ჟამის ცივმა სუნთქვამ ტყეს სიცივე აგრძნობინა,
მზის ალერსით დამთვრალ იას აუთრთოლა მყუდრო ბინა;
მიწის ფიქრი ცის ნაფიქრალს გარდააქლო, ერთად შეეწნა,
ფერი უკრთო მთის ლურჯ ზოლებს და შეჰსუდრა წყლის პირს
ძეწნა.

ცის დასავალს ოქროს ფერი ზღვამ ტალღებით ჩამოჰბანა,
წყალი ეთერს შეუერთა:—შესთხზა სივრცის ამოცანა.
შავად მოსილ აღმოსავლეთს მთვარემ ჩრდილი მოახია
და მარხის წითელ საწოლს ვერცხლის ბადე მოახვია.
შორს ვარსკვლავი მოსწყდა სივრცეს, უფსკრულისკენ გაეშურა,
ცეცხლად იქცა და წინწყობად ცის თეთრ ყვავილთ დაესხურა,
ძირს, უნისლო ზღვის სიღრმეში, გაივლია ცეცხლის ხაზმა,—
ვერცხლის ციმციმს მიემატა ოქროს სხივთა აიაზმა.

მყუდროების ანგელოსმა ბინდის სიო მიაძინა,
მარმარილოდ გაიშალა ზღვის უჩრდილო ზვირთთა მინა.
ცა გაიხსნა. სხივი გაკრთა ცივ სამყაროს კიდე-პირად.
ლოცვად დადგა დედამიწა:—მსხვერპლს ამზადებს შესაწირად.
სატურნი. (ს. აბაშელი).




ვიცხენტი გლახკო ივანიშვილ ნოველოვი

კ უ რ დ ე მ ო *).


— დიად,—მიჰმართა ყავახანაში შეგროვილ ამხანაგების
წრეს მეგობარმა პერესმა,—ეს-ეს არის ამოვიკითხე ამ პატარა
გაზეთში ერთის ჩემის მეგობრის გარდაცვალების ამბავი. ერ-
თხელ მეტად არ მინახავს, მაგრამ ძლიერ ხშირად მაგონდება
მაინც. ო, რა მეგობარი იყო...

გავეცანი ერთხელ ჩქარ მატარებელში, რომლითაც ვა-
ლენსიიდან მადრდის მივიდიოდი. პირველ კლასის განყოფილე-



† პატრი დომინიკე მულაშვილი, რომელიც ვერაგულად მოჰკლეს
ყაჩაღებმა 28 ოქტომბერს, სოფ. სკრაში (ქართლი).

*) კურდღელს ეძახიან რკინის გზის უბილეთო მგზავრებს.



ჩინეთის რევოლუციონერთა პირველი კრება შანჰაიში.

ბაში ვიჯექ; ალბასეთეში გადახტა ერთად-ერთი ჩემი თანამგზავრი. წინა ღამე ცუდად გავატარე. ამიტომ, როდესაც დავინახე, რომ მარტოკა დავრჩი, გემოიანად გავიზმორე და სიამოვნებით გადავხედე მუთაქებს: მთელი განყოფილება მე დამრჩა! შემიძლიან თავისუფლად დავწვე! აი ეხლა კი გავოვიძინებ-მეთქი!

ჩამოვუშვი სანათის პატარა ფარდა, და განყოფილებაში სასიამოვნო ბინდი გამეფდა. გავეხვიე მოსასხამში, დავწექ გულალმა და გავშალე ფეხები რაც შემეძლო, — ხომ დარწმუნებული ვიყავი, რომ არავის არ შევაწუხებდი.

მატარებელი ლამანჩის უწყლო გადამწვარ ვაკეზე მიჰქროდა. სადგურები შორი-შორს იყო ერთმანეთისაგან; ორთქმავალი საშინელის სიჩქარით მიჰქროდა, და ჩემს განყოფილებას ისეთი კრიალი გაჰქონდა, თითქო ძველი ურემიაო. უშველელ ხმაურობით გამოყრუებული ხან მარცხით და ხან მარჯვით გადავქანდებოდი ზურგზე; მუთაქების ფოჩები გიჟებდავით ხტოდა; საბარგე ყუთებს ერთი ცეკვა ჰქონდათ თაროს ბადეში, ფანჯრის მინებს ჩხარუნი გაჰქონდათ, ქვემოდან კი ძველის რკინის რახუნი ისმოდა: კრიალეებდენ თვლები და გასაჩერებელ მანქანის ნაწილები. მაგრამ მიუხედავად ყველა ამისა, თვალები კარგა ლამაზად დამეხუჯა, და ამ ღრიან-ცელში ტკბილ სიმღერის ხმასაც კი ვარჩევდი; ძილში მეჩვენებოდა, თითქო ბალდები მაქანავებენ, თითქო ჩემის ბავშობის დრო დამიბრუნდა და ჩემი მოხუცი გამზდელი თავის ბოხის ხმით ნანას მეუბნება.

ამრიგად ჩამეძინა, თუმცა ძილშიაც მესმოდა ხმაურობა, რადგან მატარებელი გაუჩერებლივ მიჰქროდა.

სიცივე ვიგრძენ და ამან გამომადღოდა; თითქო სახეში ცივი წყალი შემომასხესო, გავახილე თვალი. შემოსასვლელი კარი მოხურული იყო. მაგრამ ისევ ვიგრძენ ღამის ცივი სიო, რომელსაც მატარებლის გიჟური სიჩქარე უფრო აძლიერებდა. წამოვდექი და დავინახე, რომ მეორე კარი სრულიად ღიაა და შიგ შუაში

ზის ვილაც კაცი; ფეხები კვეთს ჩაუშვია საფეხურზე, მოკრუნხულა და ჩემსკენ მბრწყინავი თვალებით.

გაოცებულს არა მესმოდა რა. ძილისაგან ამერია აზრები. პირველ წამს რალაც გამოუთქმელი შიში ვიგრძენ. ასე უცრად მიმქროლავ მატარებელში გამჩდარი ეს ადამიანი ბავშობაში გავიწილ ზღაპრულ მოჩვენებას ჰგავდა.

მაგრამ მეორე წამსვე გამახსენდა რკინის გზაზე დაცემის ამბები, მატარებელში მკვლელობა, მთელის მატარებლის გაძარცვის ამბები, ათასნაირი ამგვარი ბოროტმოქმედება, რაც კი რამ წამეკითხა როდისმე; ხომ სრულებით მარტო ვარ და არავითარი საშუალება არა მაქვს როგორმე გავაგებინო ამ თხელ კედელს უკან მძინარე მგზავრებს რამე, ვფიქრობდი მე, ეს ადამიანი ნამდვილად მძარცველი უნდა იყოს.

თავის დაცვის ალლომ, ანუ, უკეთ, შიშმა გამაძხეცა. მივყვანიდი უცნობს, გადავდებო დავუბირე და ხელი ვკარი. გადავარდნაზე იყო და სასოწარკვეთილებით მოსქიდა ხელი კარს; მე ესცდილობდი გადავდებას და კარში მაგრად ჩაკიდულ ხელის ვაშვებინებას. ძალა ჩემსკენ იყო.

— ღვთის გულისათვის, სენიორიტო! — ჰკენსოდა ყრუ ხმით, — სენიორიტო, ნუ იზამთ! პატიოსანი კაცი ვარ...

ისეთი მუდარა და ტანჯვა იხატებოდა მის სიტყვებში, რომ შემრცხვა ჩემის უგულობისა და მოვეშვი.

ისევ დაჯდა გასავალში დი თან ქშინავდა და კანკალებდა. მე კი სანათთან ვიდექი.

ეხლა კარგად ვხედავდი. პატარა სუსტი გლეხი კაცი იყო. საბრალოს დაკერებული, გაზინთული შალის მოკლე ტანსაცმელი ეცვა. შავი ქუდი და სახე თითქმის ერთი ფერისანი ჰქონდა. ამ მორუქულ სახეზე მკაფიოდ გამოჰქროდა კეთილი თვალები და მოდილო, ოდნავ მოყვითალო წინა კბილები, რომელიც გამოაჩინა, როდესაც მადლობის ნიშნად გაიღია.

ისე მოჩერებოდა, როგორც სიკვდილს გადარჩენილი ძაღლი. მაგრამ ამასთანავე ვაშავებულ ხელებს ხან ჯიბეებში იყოფდა და ხან ქამარს უკან. ამ ხელების ფათურმა კინაღამ სინანული დამიბადა, ეგ რა სულელური გულმტკივნეულობა გამოვიჩინემეთქი და მინამ ის ეძებდა, მეც ჯიბისაკენ წავიღე ხელი და რევოლვერი მოვიმარჯვე. ყოველ შემთხვევისათვის თან მქონდა.

რალაც აპოილო ქამარ ქვეშიდან, მეც მივბაძე და სანახევროდ ამოვიღე ჯიბიდან რევოლვერი. მაგრამ ის რაც მის ხელში დავინახე, გაზინთული დაქუქკნული სქელი ქაღალდის ნაგლეჯი გამოდგა. დიდის კმაყოფილებით გამომიწოდა.

— ბილეთი მაქვს, სენიორიტო.

დავხედე და სიცილი ვერ შევიკავე.

— ეგ ხომ ძველი ბილეთია — დიდხანია ვადა გასული



ინგლისელი სტუმრები რუსეთში.

აქვს... და მერე მაგ უვარგის ქაღალდის ნაგლეჯით გინდა დაამტკიცო, რომ ნება გაქვს მატარებლით იარო და მგზავრები დააფთხო?

ამ ტლანქ სიცრუის გამოაშკარავებით სახეზე სევდა გამოეხატა, თითქო შეეშინდა, ხელმოკრედ არ მომინდომოს გადაგდებოდა. სიბრალოლი ვიგრძენ და თანაც მინდოდა კეთილი და მხიარული სახე მეჩვენებინა, რათა დამემალა ჯერ კიდევ შერჩენილი შიშის კვალი.

ადექ, შემოდი და კარი მოიხურე.

— არა, სენიორ,—სთქვა მან, შიგნით მოგზაურობის ნება არა მაქვს. იმისი მადლობელიც ვარ, რომ აქ ვზივარ: მე ხომ ფული არა მაქვს—გაჯიუტდა და დარჩა თავის დგილზე.

ახლო მიეუჯექი; ჩემი მუხლები მის მხრების სიძალღზე იყო. ღია კარებში ქარიშხალი უბერავდა. მატარებელი უდიდესის სისწრაფით მიჰქროდა. მწირ მინდორში კვალ და კვალ მოსდევდა მატარებელს ირიბი წითელი სინათლე, რომელსაც ჰფენდა ღია კარიდან სანათი, და ამ მოძრავ სინათლეზე მოსჩანდა მკრთალი ჩრდილი ჩემი და უცნობისა.

სატელეგრაფო ბოძები ყვითელ წერტილებსავით ელავდნენ ღამის სიბნელეში; ორთქლოვანიდან გადმოვარდნილი ნაპერწკლები კი დიდრონ ციციანათელასავით ბრჭყვიალებდა ხანდახან.

ჩემი თანამგზავრი მოუსვენრად იჯდა, თითქო უკვირდა, როგორ დამტოვეს ჩემს ადგილსაო. სივარა მივეცი და ცოტა ცოტა აღაპარაკდა.

ყოველ შაბათს მოგზაურობს თურმე ამნაირად. ალბასეტესთან ელის მატარებლის დაძვრას, შეხტება საფეხურზე, თუმცა ყოველთვის იმის შიშშია, ქვეშ არ მოჰყვეს, მიჰყვება გარეთა კედელს მინამ თავისუფალ განყოფილებას ნახავდეს, ხოლო სადგურთან მიახლოვების დროს მატარებლის გაჩერებამდე გადახტება. დაიძვრის თუ არა მატარებელი, ისევ შეხტება და ყოველ შემოხტომასე იცვლის ადგილს, რომ თვალში არ მოხვდეს კონდუქტორებს, ამ ავ—სულთ, საწყალ ხალხის მტრებს.

— მერე სად მიხვალ?—ვკითხე მე.—მაგრივად რად მოგზაურობ და განსაცდელში იგდებ თავს, ხომ ყოველ წამს უნდა ელოდდე, რომ მატარებელს ქვეშ მოჰყვები და გაგსრესს?

მოგზაურობს იმისთვის, რომ კვირა დღე თავის ოჯახში გაატაროს. ალბასეტეში მუშაობს, ცოლი კი სხვა ქალაქში მსახურობს,—სიმშლიმა დააშორა ერთმანეთს. უწინ ფეხით დადიოდა; მთელ ღამეს გზას უნდებოდა და დილით რომ მივიდოდა თავის ოჯახში, ისე დადლილი იყო ხოლმე, რომ გრძობა ეკარგებოდა თითქმის და აღარა ჰქონდა არავითარი სურვილი არც ცოლთან ლაპარაკისა და არც ბავშვებთან თამაშისა. ეხლა კი გამოიცადა და აღარაფრის არ ეშინიან; ეხლა სიამოვნებით მოგზაურობს მატარებლით. დაჰხედავს თავის ბავშვებს, მოიკრებს ძალას და მერე მუშაობს მთელ კვირას. სამი შვილი ჰყავს: სულ უმცროსი ორის ტკაველისა არ იქნება ძიწიდან, მაგრამ მაინც კარგად, ჰკნობს მამას,—დაინახავს თუ არა, თავის პატარა ხელუნებს მის კისრისაკენ იწვდის.

— და არ მოგდის აზრად,—ვკითხე მე,—რომ ერთ-ერთ მაგნიორ მოგზაურობის დროს შენი ბავშვები უმამოდ დარჩებიან?

თანხმობის ნიშნად გაიღიმა. კარგად ესმის ეს „საქმე“. მატარებელი არ აშინებს, როდესაც აღვირ აშვებულ ცხენსავით გარბის, ქმინავს და გარშემო ნაპერწკლებს ისვრის; მარჯვეა და უშიშარი. ერთი ახტომა და მატარებლის საფეხურზეა; რაც შეეხება გადახტომას, რასაკვირველია, ადვილად შეიძლება, ფეხი წაჰკრას კუნძს ან ბოდს, მაგრამ ეგ არაფერია; საქმე ის არის მატარებელს ქვეშ არ მოჰყვეს.

მატარებლისა კი არ ეშინიან, ეშინიან იმათი, ვინც შიგ არის. პირველ კლასის განყოფილებას ათვლიერებს, რადგან აქ უფრო ხშირია თავისუფალი განყოფილება. რა არ გადახედია! ერთხელ ქალების განყოფილების კარი გააღო: ორმა იქ მყოფმა მონოხანმა ასტეხეს ყვირილი; არიქა, ქურდებიო. შეშინებული გადახტა მატარებლიდან და დანარჩენი გზა ფეხით გაიარა.

ორჯელ კინალამ გადაადგეს, დღევანდელისა არ იყოს, მგზავრებმა, და ერთხელ, თავისუფალ განყოფილებას რომ ეძებდა, ერთ მგზავრს წააწყდა, რომელმაც ხმა ამოუღებლივ ჯოხი დაარტყა თავში და გადაადგო მატარებლიდან. იმ დამეს თუ გადარჩებოდა აღარ ეგონა.

ამის თქმასე სახე მოიბრუნა და მიჩვენა ქრილობა.

ცულად ეპყრობიან, მაგრამ არა ჩივის: იმ სენიორებს სრული უფლება აქვთ შიში განიცადონ და თავი დაიცვან. კარგად ესმის, რომ ღირსია ამისა და მეტისაც, მაგრამ რა ჰქნას, თუ კი ფული არ აქვს და თავის ბავშვების ნახვა კი უნდა?

მატარებელმა უკლო სიჩქარეს, თითქო სადგურს უახლოვდებოდა. ჩემი მგზავრი შეშფოთდა და ადგომა დააპირა.

— დარჩი, ვუთხარი, მე,—შენ სადგურამდე ერთი გადასავალი ღია, ბილეთს მე გიყიდი.

რასა ბძანებთ! არა, სენიორ,—მიპასუხა მან ცბიერის გულწრფელობით.

ბილეთის მოცემასე კასირი დამინახავს: ბევრჯელ დამდევნიბიან, მაგრამ არც ერთხელ არ უნახვივართ სახეზე, მე კი სრულებით არა მსურს მაგგვარი ნაცნობობა. გზა კეთილი, სენიორიტო! თქვენისთანა კეთილი სული არ შემხვედრია მატარებელში.

ჩაეშვა საფეხურზე, ისკუპა და გაჰქრა წყვილიადში; უეჭველად წავიდა უფრო მყუდრო ადგილის საძებნელად, რათა უფრო მშვიდობიანად განეგრძო მოგზაურობა.

პატარა, ყრუ სადგურთან გაჩერდით ის-ის იყო დაწოლას ვაპირებდი, უეცრად მწყურალი ხმა მომესმა.

ეს კონდუქტორები იყვნენ, მუშები და ორი ჟანდარმი აქეთ-იქით გარბოდნენ, ვილასაც დასდევდნენ დასაქვრად.

„აქეთ!.. გზა გადუქვრით!.. ორმა იქით, არ გაგვექცეს... აი მატარებელში შევიდა... დაიქით!“

მართლაც, ცოტა ხანს უკან, მატარებლის სახურავზე გაისმა აჩქარებული ფეხის ხმა,—ვილასაც მისდევდნენ ზემოდ. ნამდვილად ჩემი მეგობარი უნდა ყოფილიყო, რომელსაც უდარაჯებდნენ და რომელმაც, დაინახა მდევნელები თუ არა, სახურავზე დაიმალა.

სადგურის მხარის ფანჯარასთან ვიდექი და დავინახე, რომ მეზობელ ვაგონის სახურავიდან გადმოხტა კაცი იმ საოცარის სიმარჯვით, რომელსაც გასაჭირში თუ გამოიჩენს ადამიანი. პირველ დეცა მიწაზე, რამდენსამე ხანს მიფორთხავდა, თითქო ვერ გამართულიყო, ბოლოს მოჰკურცხლა რაც შეეძლო, და ჩქარა წყვილიადმა შთანთქა ის დიდი თეთრი ლაქა, რომლადაც მოსჩანდა ბნელაში მისი თეთრი შარვალი.

მატარებლის უფროსი ხელებს შლიდა მდევნელების წინ; ზოგი ამათვანი იცინოდა.

— ვინ იყო?—ვკითხე კონდუქტორს.

— ბოგანო, რომელმაც ჩვეულებად დაიდო უბილეთოდ მოგზაურობა, მიპასუხა მან წყრომის ხმით.—დიდი ხანია ვიცნობთ, კურდღელია, მაგრამ ან არაფრად ვარგვივართ, ანა და დავიქვრთ როდისმე და სატუსალოში უკრავთ თავს.

მას შემდეგ აღარ მინახავს საბრალო კურდღელი. ზამთარში ხშირად მაგონდებოდა საწყალი და მაშინ წარმოვიდგენდი ხოლმე რომელიმე სადგურის მახლობლად, როდესაც წვიმასა და თოვლში ელის ქარიშხალსავით მომქროლ მატარებელს, რომ ეცეს ისეთის გამეტებით, როგორც მეომარი მიდის ხოლმე სიმაგრის ასაღებად.

დღეს წავიკითხე, რომ ალბასეტესთან ლიანდაგზე იპოვეს მატარებლისაგან გასრესილ ადამიანის გვამი... ეს ის არის, ჩემი საბრალო კურდღელი. სხვა საბუთი აღარ არის საჭირო, რომ ამაში დარწმუნებული ვიყო: გული მეუბნება, რომ ის არის. ყოველთვის კოკა წყალს ვერ მოიტანს“. იქნება სიმარჯვემ უღალატა უეცრად, ან იქნება ერთბაშად ვინმე მგზავრს თავს რომ წაადგა, უკანასკნელმა შეშინებულმა ვერ გამოიჩინა ჩემისთანა გულშემატკივრობა და გადაადგო.

ჰკითხეთ ღამეს, რა მოხდა მის სიბნელეში.

მას შემდეგ, რაც მას შევხვდი,—დააბოლოვა პერესმა ამბავი, ოთხი წელიწადია. ამ ხნის განმავლობაში ბევრი მიმოგზაურნია, და როდესაც ვხედავდი, რამდენი ხალხი მოგზაურობს მხოლოდ დროს გასატარებლად და ჟინის მოსაკლავად, ბევრჯელ გამხსენებია საწყალი, სიღარიბის გამო ოჯახს მოწყვეტილი დღიური მუშა, რომელიც ბავშვების ნახვა და კოცნა რომ მოუნდებდა, ათასგვარი შიში და დევნა უნდა განეცადნა, როგორც მავნე მხეცს, და სიკვდილს კი გმირულის სიმშვიდით შეჰხვედებოდა.

ივ. ზურაბიშვილი.

